

Sapigalinnut ulluinnarni nerisassat nioqqutissat nunatsinnut ajornannginnerusumik eqquossorsinnaalernissaannut Naalakkersuisut nalunaarusioqqullugit peqquneqarnissaat pillugu Inatsisartut aalajangiiffigisassaattut siunnersuut. Nunaniit allaniit nioqqutissat taakku eqquossorsinnaanissaannut inatsisitigut qanoq allannguinnissaq pisariaqarnerisooq, qanorlu akimikkut Danmarkimiit nioqqutissanut unammillernerusinnaalersinnaaneri nalunaarusiamut ilanngunneqassapput. Nalunaarusiaq kingusinnerpaamik UKA2023-mi Inatsisartunut agguanneqassaaq. Inatsisartunut Ilaasorta q Aqqalu C. Jerimiassen, Atassut

Akissuteqaat

(Nunanut Allanut, Inuussutissarsiornermut Niuernermullu Naalakkersuisooq)

Siullermeerneqarnera

Inatsisartunut ilaasortap Aqqalu C. Jerimiassenip aalajangiiffigisassatut siunnersuuteqarneranut Naalakkersuisut sinnerlugit qujaffigaara.

Sammissaq pingarutilik qaqinneqarpoq, Naalakkersuisullu paasilluarsinnaavaat sapigaqartunut nioqqutissat akit qaffakkiartuaarnerini eqqugaanerat, ingammik sapigaqartunut nioqqutissat akiisa qaffasereersut qaffaqqinnerini. Ukrainemi sorsuttoqarnera, coronallu nunarsuarmi tuniluunnerata kingunerini patsisaallutik inuiaqatigiinni akit qaffanneri Naalakkersuisut eqqumaffigisorujussuaat. Tamannarpiaq patsisigalugu Royal Arctic Linep assartuinnermi akigititaasa apparnerisigut, akit qaffanneri iliuseqarfiginiarlugit ikiorsiissutissamik aamma Naalakkersuisut pilersitsinikuupput. Matumani ukiuunerani nunaqarfinnut, isorliunerusunullu pilersuinerit aamma ilaatinneqarput.

Inuussutissarsiutilinnut pitsaanerpaanik atugassaqartitsinissaminnik Naalakkersuisut kissaateqarput. Atuisut innuttaasullu nioqqutissanik toqqagassaqarnerunissaannut, nioqqutissallu akikinnerunissaannut sunnuteqaqataarusuppugut. Tamanna pillugu sapigallit, innuttaasullu allat nioqqutissanik toqqagassaqarnerulernissaannik kinguneqarsinnaasumik, nunanik allanik niueqateqarnerup annertusineqarnissaa Naalakkersuisut sulissutigaa. Suliaq tamanna nukinnik annertuunik atuiffiulluni massakut ingerlanneqarpoq. Ilaatigut USA-p Nunattalu akornanni Joint Committeemi suleqatigiinnermi, USA-p Nunattalu niueqatigiinnerulernissaannut periarfissat misissorneqarluarput. Tassunga tunngatillugu naalagaaffiup Mainep sumiiffia kiisalu Islandikkoorluni Nunatsinnut assartuinnermi niuernermik aqquataareersooq pingaarutilittut inissisimapput. Tuluit Nunaallu, UK, niueqatigiinnissamik isumaqatigiissusiornissaq siunertaralugu, Naalakkersuisut massakut aamma isumaqatiginninniarpud. Tamanna nukippassuarnik atuiffiuvoq, nunattalu akornanni niueqatigiinnerulernissamik suliaq taanna kinguneqassasoq siunertaalluni. Niueqatigisartakkat amerlanerugunik nioqqutissani qinigassat amerlanerulersinnaappud, soorluttaaq unammilleqatigiinnerunermik pilersitsillunilu nioqqutissat ilaat akikinnerulersinnaasut. Innuttaasunut tamanut

pitsaannerusunik atugassaqartitsissallutik Naalackersuisut kissaatigaat. Nunat niueqatigisartakkat amerligunik qinigassat amerlanerulersinnaapput, soorluttaa q nioqutissat nalinginnaasumik, aamma sapigalinnut isorliunerusunilu innuttaasunut akikinnerulersinnaassasut.

Nunanut allanut niueqateqartarnerup annertusineqarnissaanut suliniutit, isumaqatiginninniarnerrillu aallartinneqareermata Naalackersuisut inassutigaat, aalajangiiffigisassatut siunnersuut itigartitsissutigineqassasoq, siunissamilu nioqutissanik qinigassaqarnerulernissamik, nioqutissallu akikinnerulernissaannik kinguneqarsinnaasumik nunanik allanik niueqateqarnerup annertusineqarnissaa pillugu Naalackersuisut massakut sulinertik ingerlatiinnassagaat. Maannamit Naalackersuisut sapigaqartuusut atugaat eqqaamasassaavaat, nunanut allanut niueqaterqartarneq nioqutissanillu eqqussuinerup annertusarnerani.